

新修慶陽府志卷之三十二

仙釋

二氏之教蔓延中國幾與道埒故往往有元踪隱跡駭人聽聞者人方震而異之以為何神奇若此雖日與言濂洛閔之薪傳其庸有豸乎舊志有仙釋一類寥寥數人以父老相傳不可刪而弗錄也志仙釋

張果老 縣東七十里有洞相傳昔日隱居煉丹處見正寧志
桃花女 正寧人縣東七十里有桃花女洞

皇甫真人 正寧人列仙傳載之

妙道真人王本預 景甯人世居三河年八十有五鶴髮童顏

慶陽府志

卷之三十二

仙釋

一

行不策杖召弟子曰吾將逝矣於是齋戒沐浴端坐談笑頌曰勞苦生涯蕭條活計九九餘年超凡脫世頌畢羽化時中統建元初保和觀有碑

詹道人 慶陽羣牧所軍一日採藥賀山陰遇神人授之禪

學久之默有所悟出言成文唱詠亦有佳趣遊方至慶陽修復普照寺人人寺從 牖窺見護法泥神起立聽道人計畫明日緣事如響群人驚異助工建寺工完遍辭官民告去異日坐化有人從百里來見道人南去相與立語莫知其終

清 然 河南通許人自幼辭家為僧或行精嚴正德初游入

合水子午山樂其地僻人朴遂久隱於此能乾汞成銀以作
功德修環山寺及興教寺

完顏喬真人 雪山鳳林人遇呂仙示以神仙修煉之方排五
色石以象五行後期年復遇賜火棗食之遺烏兔海蟾四字
了然頓悟能見吉凶知禍福後昇化於寧州玉泉觀元初邑
人王志貴撰碑今存

梁志通 山西介休人號達元子生至元丙子間慕道來秦終
於玉泉觀時 遇之長安灞橋與使客傳鑰封烟霞無為真
人

趙野雲 元季道士自號野雲由慶陽雲遊嘗簪柏朶插祐德

慶陽府志

卷之三十一

仙釋

二

觀中倏忽不見栢朶竟成參霄之材人以神翁復來云

邵道人 蜀人至慶陽年七十餘道人常不言凡所欲言頤指
色授館於鐘樓街築土被衲無晝夜露坐郡中子弟爭禮事
之能治病令病者張目噓氣即可活居十餘年一日謂諸弟
子曰吾將逝矣時夜半屋脊隱隱有霹靂聲若金戈鐵馬狀
諸弟子震懾伏地天明起眎則道人死矣

趙 仙 美姿容善談論周濟貧乏施則不匱然入其室無他
囊橐衾枕而矣慶陽人怪之咸稱為趙仙時兵部侍郎陳震
方為諸生聞而往見未至趙避去謂主人明日慶陽陳生
來善待之勿令人吾室震至不見趙求人其室而返明日趙

至恚曰吾囑汝勿令陳入吾室乃今入焉吾弗可以居矣遂
辭主人而行挽留之不可竟莫知所之

無名僧 崇正間有合水庠生李正方於城東福嚴寺遇一異
僧撫其背曰好根行難逃劫數初不解及末年城陷生為賊
所得不屈而死蓋亦高僧之能有先見者李氏子孫皆言
之